



# SGAPEIO

Sociedade Galega para a  
Promoción da Estatística  
e da Investigación de  
Operacións

**Organiza:**

**SGAPEIO**

Facultade de Matemáticas  
Campus Vida, s/n

15782 Santiago de Compostela  
A Coruña (ESPAÑA)

secretaria@sgapeio.es

Web: <http://www.sgapeio.es>

**Colabora:**



XUNTA DE GALICIA


CONSELLERÍA DE CULTURA, EDUCACIÓN  
E ORDENACIÓN UNIVERSITARIA



INSTITUTO GALEGO DE  
ESTADÍSTICA



FACULTAD DE MATEMÁTICAS




# SGAPEIO

Sociedade Galega para a  
Promoción da Estatística  
e da Investigación de  
Operacións

## III CONCURSO INCUBADORA DE SONDAXES E EXPERIMENTOS (2013)

Para alumnos de ESO, Bacharelato e Ciclos Formativos



Fundación Barrié

educa  
Barrié

## INCUBADORA DE SONDAXES E EXPERIMENTOS.

A Sociedade Galega para a Promoción da Estatística e da Investigación de Operacións (SGAPEIO) en colaboración con educaBarrié, a iniciativa educativa da Fundación Barrié, convoca a III concurso Incubadora de Sondaxes e Experimentos para proxectos de estatística e investigación de operacións realizados por estudantes de ESO, Bacharelato e Ciclos Formativos de Grao Medio da Comunidade Autónoma de Galicia.

### 1.- Participantes

Poden participar estudantes (matriculados no curso 2011-2012) de ESO, Bacharelato e Ciclos Formativos de Grao Medio. A participación pode ser individual ou en grupo (máximo de 4 estudantes). Cada participante ou grupo deberá contar cun docente-titor do seu centro, que supervise o traballo presentado.

Distínguense tres categorías: 1º e 2º da ESO, 3º e 4º da ESO e Bacharelato e Ciclos Formativos de Grao Medio (categoría educaBarrié).

Non hai limitación de concursantes por un mesmo centro, nin de traballos titorizados por un mesmo docente. Só se permite unha participación por estudante.

### 2.- Proxecto de Estatística

Os participantes no concurso realizarán un proxecto de estatística e/ou investigación de operacións:

# **Sobre qué tema podo facer o proxecto?** O tema é libre para a categoría de 1º e 2º da ESO e para a categoría de 3º e 4º da ESO, pero para a categoría de Bacharelato e ciclos formativos de Grao Medio (categoría educaBarrié) deberán realizar un proxecto relacionado coa economía.

# **Que é un proxecto de estatística e/ou investigación de operacións?** É o proceso que dá resposta a unha pregunta relevante usando técnicas estatísticas.

# **Como organizo un proxecto deste tipo?** O proxecto debe planificarse tendo en conta dúas fases: unha primeira fase de recollida de datos e unha segunda fase de análise estatística e interpretación de resultados.

# **Como podo obter datos?** Sempre debemos partir dunha pregunta relevante á que quixeramos dar resposta. Así, os datos que utilizemos poden provir de:

- Unha sondaxe deseñada polos participantes sobre un tema de interese xeral ou de interese polo centro educativo e/ou o seu ámbito. Na planificación da sondaxe debe deseñarse un cuestionario e, a continuación, realizar a enquisa.

- Un plan experimental para comparar dous produtos, dous tratamentos ou outras situacións similares. O experimento formulado pode estar relacionado con algunha das materias que os estudantes estean a cursar ou tratar dalgún fenómeno cotián.

- Explotación de bases de datos dos institutos oficiais de estatística (EUROSTAT, INE, IGE, etc.) ou doutros organismos e institucións, ás que se pode acceder a través da rede.

### 3.- Inscripción

Para participar na "Incubadora de Sondaxes e Experimentos" é necesario cumprimentar o formulario de inscrición que aparece na páxina web do concurso ([www.sgapeio.es](http://www.sgapeio.es)). A inscrición debe realizala o titor incluíndo os datos do participante ou dos membros do grupo.

A cada traballo presentado asignaráselle un código que deberá ser usado como identificador en posteriores comunicacións coa organización do concurso.

### 4.- Envío de traballos

Cada participante ou grupo debe enviar o informe do seu proxecto, ao correo electrónico [premio@sgapeio.es](mailto:premio@sgapeio.es), en formato .pdf, preferiblemente. No asunto da mensaxe deberase indicar o código de traballo que lle fose asignado.

Os traballos presentados, realizados integramente polos estudantes participantes, deben ser inéditos e orixinais.

### 5.- Premios

Concederase un premio en cada unha das seguintes categorías:

- # Categoría A: Primeiro ciclo de ESO (cursos 1º e 2º).
- # Categoría B: Segundo ciclo de ESO (cursos 3º e 4º).
- # Categoría educaBarrié: Bacharelato e Ciclos Formativos de Grao Medio (tema relacionado coa economía).

A cada traballo premiado corresponderalle un diploma para o centro e material informático para o titor e os estudantes participantes. Todos os participantes, así como os seus titores, recibirán un diploma que acredite a súa participación no concurso.

A entrega de premios e diplomas realizarase nun acto público organizado pola SGAPEIO, no que os gañadores presentarán os seus proxectos.

### 6.- Calendario

Inscrición dos traballos:	10/12/2012—15/01/2013
Data límite de entrega dos traballos:	01/04/2013—15/04/2013
Fallo do xurado:	23/05/2013—31/05/2013

Toda a información relativa a esta convocatoria pode consultarse na páxina web da SGAPEIO: [www.sgapeio.es](http://www.sgapeio.es)

